

¡BOMBA!

Ni mirando hacia el levante
se olvida lo transitorio:
Qué triste recordatorio
que no haya otro Pedro Infante



K'intsil

Miércoles 16 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2460 · www.lajornadamaya.mx

Juntúul paal ku kíimil sáansamal ikil u ts'áakubáaj u k'at Mediterráneo central ken luk'uk África: Unicef

Afp / p 30
Oochel Reuters



Ti' le ts'ook lajun ja'abo'oba', jkiim kex 3 mil 500 u túul paalal, le je'ela' u k'áat u ya'alej juntúul sáansamal, úuchik u ts'áakubáaj u k'at Mediterráneo k'áak'náab central, desde tu xamanil África tak Italia, beey úuchik u ya'alal ti' tsolmeyaj jóok'sa'ab tumen Unicef le martes máanika'.

Ku tukulta'al le beyka'aj paalalo', ikil u yila'al xan jaytúul oaalal k'uch ichil máako'ob kóojo'ob te'el europeoil lu'umo' -juntúul ti' lajal waktúul-, ka'aj jke'et xan yéetel

le 20 mil 800 kimen máako'ob yanchaj ti' le ts'ook lajun ja'abo'obo'.

Le jaytúul paalal a'alab jkiimo', ma' ojéela'an xan wa ma' chuka'ani', tumen ya'abach juntéenake', kéen búuluk chemo'obe' ma' táan u yojéelta'al tumen ti' máaxo'ob ku bino'obe' mix juntúul ku kuxtalí, le beetik mix máak xan a'alik ba'ax le j-úucho'.

Ts'o'okole', ti' lajal lajuntúul paale', uktúul tu juunal ku máan, miná'an u taataob yiknal, beey a'alab tumen u kúuchil Naciones Unidas ti'al paalal.

"Ya'abach paalal ku ts'áakubáaj u k'at Mediterráneo centrale' ku beetik tumen táan u yáalkab ti' ba'ateltáambal, loobilaj wa óotsil kuxtal", a'alab te'el tsool meyajo', ts'o'okole' tu ya'alaj "maanal ti' chúumuk paalal yéetel táankelemo'ob k'áat chibta'abe' tu ya'alaj yaan loobilaj beeta'ab ti', yéetel u yóox jaats ti' lelo' ku ya'alik je'elsabo'ob kex ma' u k'áato'obi'".

"Jala'acho'obe' unaj u kaláantik u páajtalilo'ob paalal (...). Páajtalilo'ob mokt'anta'ab Convención sobre

los Derechos del Niño ma' tu chíimpoltik u xuulilo'ob kaaj, mix xan jáal ja'ob; ku láak'intik paalal je'el tu'uxak ka máanako'ob", tu ya'alaj Regina De Dominis, máax ku meyaj Unicef, máax ku ch'aachibta'al te'el xaak'al meyajo'.

Mola'aye' tu k'a'ajsaje' kex tumen tu ja'abil 2026 kéen káajak ku k'abéetkunsal Pacto Europeo sobre Migración y Asilo, najmal u chíimpolta'al je'el bix k'a'anan tukáakal ba'ax kaláantik u páajtalil yéetel u yutsil tuláakal paalal.